

SAMÞYKKT
um meðhöndlun úrgangs í Skaftárhreppi.

I. KAFLI
Almenn ákvæði.

1. gr.

Samþykkt þessi gildir fyrir meðhöndlun úrgangs, þ.m.t. hirðu, söfnun og förgun úrgangs, í Skaftárhreppi.

2. gr.

Skaftárhreppur annast meðhöndlun úrgangs í sveitarfélaginu á þann hátt og með þeim takmörkunum sem leiða af samþykkt þessari, lögum um hollustuhætti og mengunarvarnir nr. 7/1998 og lögum um meðferð úrgangs, nr. 55/2003 og reglugerðum settum með stoð í þeim lögum. Undir þetta ákvæði fellur m.a. ábyrgð á móttöku spilliefna og meðhöndlun úrgangs til vinnslu t.d. lífræns úrgangs, landbúnaðarplasts, brotamálma og annars flokkaðs úrgangs í samráði við og undir eftirliti heilbrigðisnefndar Suðurlands.

Sveitarstjórn sér til þess að íbúar fái fræðslu um flokkun og aðra meðferð úrgangs, móttöku hans og förgun, t.d. með útgáfu leiðbeininga.

3. gr.

Markmið samþykktarinnar er:

- a. að lágmarka það úrgangsmagn sem fer til förgunar með því að auka endurvinnslu og endurnýtingu úrgangs,
- b. að lágmarka kostnað samfélagsins við meðhöndlun úrgangs,
- c. að kostnaður vegna úrgangs greiðist af þeim sem úrganginum veldur.

Í átt að hringrásarhagkerfi – heildarstefna Íslands í úrgangsmálum er lögð til grundvallar samþykkt þessari.

4. gr.

Skaftárhreppur annast sorphirðu frá íbúðarhúsnæði í sveitarfélaginu og söfnun heimilisúrgangs frá rekstraraðilum, nema ef rekstraraðili nýtir aðrar viðurkenndar leiðir til að afhenda heimilsúrgang á móttökustöð.

Sveitarstjórn er heimilt að fela öðrum framkvæmd sorphirðu og móttöku annars úrgangs, þ.m.t. móttöku spilliefna, brotajárns og landbúnaðarplasts. Þeir aðilar sem þetta annast skulu hafa til þess tilskilin starfsleyfi í samræmi við lög nr. 55/2003, um meðhöndlun úrgangs og reglugerð nr. 550/2018, um losun frá atvinnurekstri og mengunarvarnaeftirlit eða staðfesta skráningu skv reglugerð nr. 830/2022 um skráningarskyldan atvinnurekstur samkvæmt lögum um hollustuhætti og mengunarvarnir, ef við á.

Förgun úrgangs skal framkvæmd undir yfirstjórn og á ábyrgð sveitarstjórnar. Sveitarstjórn er heimilt að fela öðrum að sjá um förgun úrgangs og samskipti við þá aðila sem við á.

5. gr.

Húsráðendum s.s. húseigendum og öðrum umráðamönnum húsnæðis er skylt að nota þær aðferðir og þau ílát við geymslu og meðferð úrgangs sem sveitarstjórn ákveður hverju sinni, í samráði við heilbrigðisnefnd og í samræmi við lög og reglur þar að lútandi.

Sorpgeymslur skulu vera aðgengilegar fyrir sorphirðumenn. Þær skulu staðsettar saman ef um fjölbýlishús er að ræða. Í deiliskipulagi nýrra hverfa skal tekið tillit til sorpgeymslna við skipulagningu.

Húsráðendur skulu halda ílátum hreinum og í góðu ástandi. Húsráðendur skulu hreinsa snjó frá sorpgeymslum og sorpílátum eins og þörf krefur til að halda ávallt greiðfærri leið að þeim.

6. gr.

Við hverja íbúð skulu vera fjögur sorpílát, fyrir pappír og pappa, fyrir plast og fyrir blandaðan úrgang, auk íláts fyrir lífúrgang. Sveitarfélagið útvegar ílát.

7. gr.

Í sorpílát fyrir heimilisúrgang má aðeins setja þann úrgang sem fellur til við heimilishald í samræmi við nánari fyrirsmáli sem kunna að verða sett um flokkun úrgangs. Sama gildir um heimilisúrgang frá rekstraradilum. Sorphirðumönnum ber aðeins skylda til að losa viðurkennd sorpílát.

Óheimilt er að láta dýrahæ, garðaúrgang, jarðvegsefni, þ.m.t. grjót, múrbrot o.þ.h., brotajárn, húsgögn, raftæki og annan grófan úrgang í sorpílát. Slíkum úrgangi, skal komið á viðurkennda móttöku- og söfnunarstöð. Sérstök söfnun á úrgangstegundum, öðrum en þeim sem tilgreindar eru í 6. gr., í samræmi við 10. gr. laga nr. 55/2003, fer fram á söfnunar- og móttökustöð sveitarfélagsins á Kirkjubæjarklaustri.

Glerbrotum og öðrum oddhvössum hlutum, sem hætt er á að skaði þá sem meðhöndla úrgang eða sorpílát, skal pakkað inn eða gengið frá þeim á annan tryggilegan hátt.

Gæta skal þess að fylla ekki sorpílatin meira en svo að auðveldlega megi loka þeim. Húsráðanda ber að skila umfram úrgangi á viðurkennda móttökustöð á vegum sveitarfélagsins.

8. gr.

Hirða heimilisúrgangs skal fara fram reglulega eftir fyrirframgerðri áætlun, staðfestri af sveitarstjórn. Íbúum og öðrum sem sveitarfélagið annast söfnun á heimilisúrgangi frá, skal kynnt tíðni hirðu úrgangs með hæfilegum fyrirvara.

Allan úrgang sem að mati húsráðenda þarf að losa örur en gert er ráð fyrir samkvæmt áætlun þar um, skal húsráðandi sjálfur og á eigin kostnað losa í móttökustöð á Kirkjubæjarklaustri.

9. gr.

Fyrirtæki, stofnanir, eða aðrir aðilar með atvinnustarfsemi sem það kjósa geta sjálf séð um að koma heimilisúrgangi í móttökustöð. Frágangur, umgengni og flutningur á rekstrarúrgangi frá þessum adilum skal vera í samræmi við 16. gr. reglugerðar nr. 803/2023 um meðhöndlun úrgangs og fyrirsmáli heilbrigðisnefndar. Slíkir aðilar geta jafnframt notað þjónustu sveitarfélagsins í samræmi við gjaldskrá.

II. KAFLI

Gjaldtaka vegna meðhöndlunar úrgangs.

10. gr.

Sveitarstjórn skal innheimta gjald fyrir alla meðhöndlun úrgangs í samræmi við 2. mgr. 23. gr. laga nr. 55/2003, um meðhöndlun úrgangs. Gjaldið skal ákveðið í gjaldskrá sem sett er samkvæmt ákvæðum 23. gr. laga nr. 55/2003, um meðhöndlun úrgangs, og 5. mgr. 59. gr. laga nr. 7/1998, um hollustuhætti og mengunarvarnir, og að fenginni umsögn heilbrigðisnefndar. Gjöld mega aldrei vera hærri en nemur þeim raunkostnaði sem verður til í sveitarfélaginu við meðhöndlun úrgangs og tengda starfsemi, svo og við veitta þjónustu og framkvæmd eftirlits með einstökum þáttum. Sveitarstjórn er heimilt að haga gjaldskrá fyrir sorpgjöld með þeim hætti að það hvetji íbúa til að draga úr sorpmagni sem fer til urðunar.

Heimilt er að leggja gjöld þessi á hverja fasteign, stofnun eða fyrirtæki sem nýtur þjónustunnar. Gjöld skal miða við fjölda sorphirðuíláta, hvort sem um er að ræða flokkaðan eða óflokkaðan úrgang og tíðni

söfnunar. Heimilt er að innheimta móttökugjald hjá íbúum, fyrirtækjum og stofnunum samkvæmt magni og efnisflokki úrgangs, ef ekki er um að ræða heimilisérgang sem sveitarfélagið annast söfnun á.

Sveitarfélagið skal láta birta gjaldskrána í B-deild Stjórnartíðinda. Í gjaldskránni skal vísa til þessarar samþykktar.

III. KAFLI

Ýmis ákvæði.

11. gr.

Hafi húsráðandi fram að færa kvörtun vegna meðhöndlunar úrgangs, skal hann koma slíkri kvörtun á framfæri við skrifstofu Skaftárhepps, verktaka sem annast þjónustu eða til Heilbrigðiseftirlits Suðurlands.

Heimilt er að kæra stjórnvaldsákvæðanir samkvæmt samþykkt þessari til úrskurðarnefndar umhverfis- og auðlindamála sbr. 1. mgr. 67. gr. laga nr. 55/2003 um meðhöndlun úrgangs.

12. gr.

Óheimilt er að skilja eftir eða geyma rusl, garðaúrgang og annan úrgang á götum, gangstígum við sorpgáma eða á opnum svæðum í sveitarfélaginu. Það sama á við um númerslausar bifreiðar, báta eða önnur tæki. Starfsmönnum sveitarfélagsins er heimilt, í umboði og á grundvelli ákvörðunar heilbrigðisnefndar, að fjarlægja hluti sem eru geymdir þannig að í bága fari við lög nr. 7/1998 um hollustuhætti og mengunarvarnir og reglugerðir settar samkvæmt þeim. Heimilt er að undangenginni viðvörun að fjarlægja slíka hluti. Skal viðvörunin vera í formi límniða, sem festur er á tækið. Viðvörunin skal auðkennd Heilbrigðisnefnd Suðurlands. Um almennan þrifnað utanhúss og þvingunarúrræði heilbrigðisnefndar fer nánar samkvæmt 14. gr. reglugerðar nr. 803/2023 um meðhöndlun úrgangs.

Heimilt er að hafa á lögbýlum afmörkuð geymslusvæði fyrir númerslausar bifreiðar, báta eða önnur tæki í eigu ábúenda og skal leitast við að hafa sjónræn áhrif þeirra í algjöru lágmarki. Öðrum er skylt að sækja um geymslusvæði fyrir slíka hluti og verða þau erindi afgreidd af byggingafulltrúa sveitarfélagsins.

13. gr.

Um valdsvið og þvingunarúrræði fer samkvæmt XVII. kafla laga nr. 7/1998 um hollustuhætti og mengunarvarnir sbr. XIII. kafla laga nr. 55/2003 um meðhöndlun úrgangs.

Um viðurlög fer samkvæmt XIX. kafla laga nr. 7/1998 um hollustuhætti og mengunarvarnir sbr. XIII. kafla laga nr. 55/2003 um meðhöndlun úrgangs.

14. gr.

Samþykkt þessi sem er samþykkt af sveitarstjórn Skaftárhrepps og sett samkvæmt 2. mgr. 8. gr. laga nr. 55/2003, um meðhöndlun úrgangs, sbr. ákvæði 59. gr. laga nr. 7/1998, um hollustuhætti og mengunarvarnir, staðfestist hér með til að öðlast þegar gildi. Frá sama tíma fellur úr gildi samþykkt nr. 909/2018, um meðhöndlun úrgangs í Skaftárhreppi.

Umhverfis-, orku- og loftslagsráðuneytinu, 29. febrúar 2024

F.h.r.